

**Date – 07/10/2024**

**Time - 18:30 -18:40Hrs**

## **REGIONAL NEWS BULLETIN**

### **HEADLINES (EVENING)**

- 1. Thlaleh ni 5-a neih tur Sinlung Hills Council inthlan chuh turte hming wawiin khan ZPM leh MNF Party in an puang.**
- 2. Chief Minister Pu Lalduhoma'n Mizoram Dist hrang hranga neih tur 'Cyber Crime Seminar' Serchhipah a hawng.**
- 3. Mizorama Kohhran hrang hrangte thawhhona leh rawngbawl tlanna tur, Council of Churches in Mizoram rorel inkhawm neih a ni dawn.**
- 4. Assembly seat 90 ve ve awmna, Jammu & Kashmir leh Haryana assembly inthlana vote flate, naktukah chhiar a ni dawn.**

<><><>

### **SHC CANDIDATES**

**Sinlung Hills Council inthlan thlaleh ni 5-a neih turah wawiin khan Zoram Peoples Movement ZPM leh Mizo National Front MNF Party ten an candidate tur an puang.**

**State-a rorel lai Zoram People's Movement Vice President leh Election Committee Chairman Pu W. Chhuanawma'n ZPM Candidate tur mi 8 hi wawiina an party chung inkhawm ah a puang a, Sinlung Hills Council-a bial 12 awm ah bial 8 an chuh dawn a, an thawhpui HPC Party in bial 4 an chuh thung dawn a ni.**

**Tun thla ni 1 khan ZPM Party President Pu Lalliansawta leh HPC Party President Pu Rohringa te chuan party pahnih te Sinlung Hills Council inthlana thawk dun turin inremna an lo ziak tawh a ni.**

**Mizo National Front pawhin Sinlung Hills Council-a an candidate tur hi puangin bial 10 an chuh dawn a, an thawhpui Hmar People's Convention (Reformation) chuan bial 2 an chuh thung dawn a, Sakawrdai North leh South bak chu MNF candidate vek an ding dawn a ni.**

**Sinlung Hills Council ah hian Congress pawhin candidate an nei dawn a, naktuk hian Party President Pu Lal Thanzara'n a puang ang.**

**Sinlung Hills Council term hi kumin November ni 21 ah a tawp dawn a, Aizawl District-ah Constituency 6 awmin Polling Station 19 zingah Critical Polling Station 6 a awm a, Kolasib District-ah Constituency 2 awmin Polling Station 7 a awm a, a vai hian Critical Polling station-a puan a ni a, Saitual**

District-ah Constituency 4 awmin Polling Station 12 a awm a, heng zingah hian Polling Station 3 te chu Critial Polling Station atana puan an ni bawk.

Sinlung Hills Council ah hian voter 23,789 an awm a, heng zinga 11,875 chu mipa niin, 11,914 chu hmeichhia an ni a, Constituency 12-a awm a ni.

Sinlung Hills Council hi kum 2019 khan inthlan hmasa ber nein MNF leh HPC tangruah chuan sawrkarna anlo siam tawh a, tun dinhmunah ZPM leh HPC Party ten sawrkar siam mekin kumin inthlan lo awm turah pawh an thawk dun dawn ni.

<><><>

## CYMA KUMPUAN

Central YMA Vice President, Kumpulan Committee Chairman ni bawk Prof Lalnuntluanga chuan Ruihhlo dona kawnga an hmalakna hnuaiah ruihhlo ngaiten ruihhlo an sim theihnan nikum December thla atang kar kalta thleng khan ruihhlo ngai mi 400 chuang home hrang hranga an dah tih a sawi.

Akashvani Correspondent zawhna chhangin Professor Lalnuntluanga chuan ruihhlo ngaiten ruihhlo an sim theihna atana Mizoram Presbyterian Kohhran-in counsellor-an pek kaltlangin Aizawl Tuikhuahtlanga Central YMA Hall-ah ruihhlo ngai sang chuang, counselling class neih pui an nih tawh thu a sawi a, Ruihhlo ti lo tura inzirtina chu Mizoram hmun hrang hrangah Sub-Headquarters, Group leh Branch YMA ten theihtawp chhuah a an kalpui mek a ti a, Ruihhlo do kawngah tumah awl thei an awm loh thu sawiin, ram leh hnam himna leh damna atan mi tupawh an pawimawh tlang vek ani a ti a, Kohhran leh YMA hmalakna thlawp theuh turin mitin a ngen bawk.

Kumpulan Committee Chairman chuan tunlaiin zan rei tak tak thlenga tleirawl khawlai a hmuh tur an tam thin thu sawiin hemi avang hian Central YMA chuan ngenna a ti chhuak a ti a, Branch YMA bakah Sub Headquarters leh Group YMA tinte chu hemi chungchanga hma la turin an inngen a, kum lama nuapang zawk te, zan chhuak in thil him lo leh pawl an khawih thin avangin thalai leh kum lama nuapang zawkte chu ruihhlo laka an him theihna tur atan ngenna hi tichhuak an ni a ti.

<><><>

## CM

Chief Minister Pu Lalduhoma'n Mizoram Dist hrang hranga neih tur 'Cyber Crime Seminar' Serchhipah a hawng

Mizoram Journalist Association Gen Hrgrs leh Home Department tangkawp buatsaih ah hian thusawiin Pu Lalduhoma chuan, Journalist te puala Cyber Crime chungchang zirhona Seminar an nei chu lawmawm a tih thu sawiin, Journalist te chu mipuite zirtirtu an nih avangin an thil zir chu mipuiten zau taka an hriat a beisei thu a sawi a, miin sawisel duh a neih chuan

putling takin, hmaikawr vuah lovin sawi ni se, a sawitu leh a dawngsawngtu tan pawh a that zawk ve ve thusawiin, sawrkar lakluh nia Press Conference a neih tumah pawh khan fake account hmanga midang beih chingte chu a tul anga an umzui zel tur thu a lo sawi lan tawh thu a sawi a, Fake Account hmanga, dawihzep taka midangte beihna chu a tam chhoh zel a hlauh thute, heng fake account hmanga inbeihna ang chi sim loh chuan thenawm khawveng inbeih nan te pawh a hman theih a, khawtlang nun a tichhe thei hle bawk a ni a ti.

He Seminar atana Resourece Person Pu Zonunsanga Addl. SP Cyber Crime chuan 'Cyber Crime' nihphung leh awmzia te, Social Media hrang hrang hman fimkhur atul dan te zirtirna a pe a, a sawi danin, SP Cyber Crime ah Kum 2020 ah Case 12, Kum 2021 ah Case 25, Kum 2022 ah Case 158, Kum 2023 ah Case 72 leh Kuminah Case 33 ziahluh tawh niin, Cyber Crime Police Station-in complaint a dawn za-a sawmsarih chu pawisaa inbumna lam a ni a ti.

Vawiin a 'Seminar on Cyber Crime' hawnna hunah Serchhip Bawrhsap leh Serchhip SP te, sawm bik te bakah Gen.Hqrs leh District hqrs a MJA member te an tel a ni.

<><><>

## AIZAWL HMATHLIR PAWL

Aizawl Hmathlir Pawl leh UD&PA department hotute chuan, vawiin khan Mahatma Gandhi lim dah thinna a mipui chawlh hahdamna tur siam an enfiah a.

Aizawl Hmathlir Pawl te chuan khawpui kawng dunga sawrkar ram, khaw hawi nuam leh thawveng zawnga siam a ni lo zel chu tha ti lovin, Assam Rifles Quarter Guard ep a Mahatma Gandhi lim dah thinna-a mipui chawlh hahdamna hmun UD&PA Department-ten a an siam mek chu brick hmanga a bang hung vek an tum ni a hriat ANIH avangin UD&PA minister Pu K Sapdanga hmu in an duh dan an thlen a, minister ruahmanna in vawiin khan he pawl hruaitute leh UD&PA lamin an enho a ni.

Aizawl Hmathlir pawl chuan brick rem chin chu tih hniam a, concrete-a a chung nei tur pawh thiah leh a, a hungna tih san chu an duhdan a ni tih thlenin, UD&PA engineer lamten thil tih theih tho a nih thu in an chhang a, An in sak a coffee dawr dah an tum pawh a hmunhma a chep avangin dah loh theih nise, tih rawtna chu UD&PA lam nen hian an pawm tlang bawk.

Mahatma Gandhi lim Assam Rifles Quarter Guard ep a dah thin chu siamthat a nih chhung hian Pachhunga University College campus, College Vengah dah a ni a, PUC lam hian awm zui zel se an duh avangin sawrkar

chuan MINECO Green Park-a dah tur Gandhi lim dang an siamtir a, dah theiha peihfel a ni tawh ni a sawi a ni.

<><><>

**COUNCIL OF CHURCHES IN MIZORAM**

Mizoram chhunga Kohhran hrang hrangte thawhhona leh rawngbawl tlanna tur, Council of Churches in Mizoram (CCM) din a ni dawn.

He thu hi vawiin khan Aizawl Press Club-ah Mizoram Kohhrante Inpumkhatna Joint Comt Chairman, Synod Moderator Rev R Vanlalngbaka kaihhruai Mizoram Kohhrante Inpumkhatna Joint committee chuan an sawi a, CCM puala rorel inkhawm hmasa ber chu Mission Veng Presbyterian Kohhran Biak Inah tun thla ni 26 inrinni chawhnu dar 12:30 a neih a nih tur thu leh hemi pual hian inrinni zan, Pathianni chawhma, chawhnu leh zanah Pathian biak inkhawm neih a nih tur thu an sawi bawk.

Kohhran hruaitu kalkhawmte hian CCM din a nih chhan tarlangin Kohhran tinin thurin leh chin dan an neih te dahtha a, mimal, khawtlang leh sorkar inrelbawl na tih hmasawna kawnga thu khat vua a tan ho tum a nih thu an sawi.

Tun dinhmunah Council of Churches in Mizoram ah hian Mizoram chhunga kohhran pariat, Mizoram Presbyterian Kohhran, Mizoram Baptist Kohhran, Evengelical Church of Maraland, Lairam Isua Krista Baptist Kohhran, Evangelical Free Church of India, Isua Krista Kohhran, Independent Church of India leh Wesleyan Methodist Church of Mizoram te an tel niin an sawi a, Kohhran pawl dang la tel ve lote pawh tel turin an sawm a ni.

<><><>

**COUNTING**

Jammu & Kashmir leh Haryana Legislative Assembly inthlana vote tlate, naktuka chhiar turin ruahmanna peihfel a ni a. Seat 90 ve ve awmna, Jammu & Kashmir-ah candidate 873 awmin Haryana-ah candidate 1031 an awm a ni.

Jammu & Kashmir-ah chuan vote hi counting center 20-ah chhiar a ni ang a, center tin hi security force thuah thumin an veng ang.

Haryana-ah chuan counting center 90 ruahman a ni a, venhimna khauh tak ruahman a ni.

<><><>